

灌志文徵卷六

辭賦

鑿二江賦

狄遵度

嗚呼吾聞魚鳧氏以降秦太守之前蜀之爲國不知幾千萬年方二江之害被茲土以禹之功不是施兮嗟後來亦奚言彼民之昏溺兮無乃得之於天不能遷土而改宅兮其流漂亦誰冤勁崖挺以中亞兮激狂瀾而左旋橫鶩折走莫知其所之兮吼穹谷而下穿蛟鼉鼈蟹呀以相濡兮何允蠢而緣延噉膚吮血沸以咀嚼兮咸飲腐而飽膾萑蒲菱芡紛以相披兮汗百頃之良田土不藝而民無所食兮孰與奏其艱鮮民之害固不可終極兮歷百千萬世天乃授之以賢曰噫中國之無人兮遂使民至於此焉不然水之性固就下善利兮決之則宣濬九川而距四海亦奚艱且九載之孜孜民不憚苦而

灌志文徵

卷六 賦辭

一

訴煩蓋因利而爲利兮勞之在先不忍一勤其力兮乃至驚萬世而害弗捐胡不浚發其利源剗削其害根巨崖剖以罅裂兮耒耨乾而陷坤怒石奮以交墜兮吁電走而雷奔蕩重淵以傾覆兮喪百怪之精魂雲轉霧溢盤薄蹙踣兮注壑於其間寂寥散漫肆以長往兮若氣散於坯渾決其餘以旁漑兮居其側數百頃皆膏腴之上珍民降邱而下宅兮若蟻聚而蜂屯則幾年幾世之積害一日刷去兮不啻捐芥而蕩塵嗚呼蜀之爲國非地之中宜乎夷貊之雜處魚鼈之與同有李侯者至然後別類於水物有仲翁者至然後同俗於華風然則今所棟宇而處衣冠而嬉皆二公之所翳若李侯之事固所莫得而繼彼仲翁之教亦亦何憚而弗爲嗚呼以禹之功至大至神括六合以橫被疇有存而勿論胡茲爲害獨不得聞無乃力不洎兮抑亦遺其功於後人而今而後乃知民未得所欲事或有不利先世所未暇除去聖人所未

及裁制苟有志於生民皆吾人之所事若曰茲事體大必聖人而後爲則小子也不敢與知

紅桅子花賦

陸游

余讀五嶽之書始知蜀之青城歲癸己之仲冬天界以此行極山中之奇觀乃稅駕乎雲扃酌瀑泉之甘寒味芝朮之芳馨濯肺肝之塵土凜毛骨其淒清乃步空翠之間而聽松風之聲觀一童子矜佩青青手持異花六出其英以爲薜蔔則色丹蓋莫得而強名方就視而慨歎已絕馳而莫及忽翹首而清嘯猶舉袂而長揖援修蔓而上騰攀層壁而遽入倏變滅於轉眄久恟恍而佇立有老道士笑而語余人皆以爲得道求諸已而有餘顧舍是而外慕宜見欲乎猿狙嗟余好學而味道有書而無師雖粗遠於聲利實未免乎喜奇請書先生之言用爲終身之規

灌志文徵

卷六 賦辭

都江堰賦

以然後可得而食也爲韻

楊重雅

天開勝景地湧靈泉功高疏鑿食濟艱鮮本來源出岷嶓較青黃而判別從此流通梁益統蒼赤以生全上追明德之遺可符神禹此亦奇勳之建合勒燕然翳夫李子當年成都作守清名則銜出一條盛德則碑留萬口家聲克振綿堂構以同心民食攸關幸斧柯之在手已奏龔黃之績宣化承流更開鄭白之渠承先啓後夫以水患未平也勢極奔騰形還偏陂湍激石而彌高浪銜山而欲墮憂深橫溢決諸東而流諸西望切安瀾源在右而泉在左匠心獨運良工誰是般倅佛力難施仙韻空鳥烏可况乎溜急非常潭深莫測匪霜汎兮江南非烟波兮趙北桃花浪起深山之積雪全消竹箭流飛巨峽之奔湍更直若使平鋪蘆葦因持久之難言既令峻立隄防亦巧思之未得爾乃勤相度妙權宜洵巨浪障橫陂以雁行兮作字以鹿眼兮編籬大波爲

瀾動搖金碧小石曰礪磊落罌恩果其東箭堪珍妙相更超乎不乃遂使西  
川永靖修鱗不作夫之而羌位置以從心實剛柔之合德網在綱而有條卮  
若漏而仍塞鴨頭波影兼蓄洩以無虞鴉嘴鋤痕識淺深而有則看到支分  
派別潤千里而膏流宜其崇德報功享兩川之血食今日者夏雨愆期秋霖  
徧野錦幃歆傾銀濤遠瀉鳩工畢集用盡長材多節遙臨功歸大治尙賴輿  
人之力爰作九歌以勸之懸知軌物之垂雖歷百世可知也

都江堰賦

并序以深淘灘低作堰爲韻

劉文澤

粵自神禹導江正源至石紐出汶川而南其北無水秦昭襄時蜀守  
李冰鑿離堆設象鼻七十餘丈護岸一百八十餘丈橫瀦其流故曰  
都江司馬遷河渠書云鑿離堆以避沫水之害沫蓋江之源也崖下  
有石刻曰深淘灘低作堰蓋六字經云其堰水竭不至足盛不沒腰

## 灌志文徵

卷六 賦辭

三

俗謂都安堰亦曰湔堰又謂之金堤左思蜀都賦云西踰金堤是也  
夫蜀中諸水多出岷山江源在羌地之列鴉村所謂羊膊嶺者是也  
南流至石紐過汶歷灌境與湔水合焉灌之上流有水出尤溪口又  
有水出白沙口同會於灌經灌西南流者卽禹所導岷江正流自秦  
李冰引江水循灌城東注北折於是始以東南正流爲南江經離堆  
薄灌城而東北注者爲北江北江自寶瓶口穿三泊洞而北注者爲  
外江自寶瓶口直東入五斗口而東北注者爲內江蓋江北折爲二  
並南江而三之其北行人五斗口者在南北二江中故以內江別之  
外江北經崇甯彭縣新繁漢州界會綿雜諸水出金堂峽內江東經  
郫縣崇甯界下過府城北至城東會府城南來之水以趨彭山界南  
江經崇慶新津東流至彭山與府江合爲江口其出金堂峽者由簡  
資內江富順會於瀘州此都江縣之源流也爰爲之賦其辭曰

虎頭浪吼象鼻波沉竹籠萬道鐵柱千尋俯大江之浩淼看古堰之清潯人  
字堤邊靜秋風於灌口弩機溪外湧夜月於江心淪疏以導江源流西川利  
溥灌溉而無虞衝決秦守恩深夫都江堰者中流岷水上拂雲濤離堆磔屺  
巨浸洪滔無支奔突貳負怒號牛首未成驚雪浪半天之湧龜隄何處聽江  
聲一枕之高崩湍湍流大坎難通小坎都安橫溢淺洶何若深洶則有李冰  
留心水利深悉隨刊追禹功之嶠藝稽氏道之激湍三折餘波遠朔鵝村之  
派一朝樸築平安牛趾之瀾者番捍衛有資堤是金而依柳岸何事橫流莫  
禦瓶名寶而嚙蕭灘徒觀其疏通溝洫修理平堤新渠汎漲舊渚環溪橋尋  
金鴈渡喚石犀何若茲膏流陸海澤普萬畦沫水避流江之內而江之外汶  
源絡赴川以南而川以西可知億萬平疇德洋恩溥好抵三千強弩射壓潮  
低迄今眺望烏尤遨遊羊膊大小釣魚之磯豁訝涵巖之鑿棘驪由是安恬

## 灌志文徵

### 卷六 賦辭

四

毒龍無能助虐鬪鷄臺畔堰渠儼若關鍵下馬騎中江岸幾如鎖鑰防潰流  
於三泊此地爲衝捍災患於二郎斯人可作我國家九派朝宗三江清宴頻  
頒祀典祭江源瀆長之神用策勳勞泐治水利民之傳萬世永賴行見轉斗  
口以成江四海蒙恩豈第截峯腰而作堰也哉

都江堰賦

以然後可得而食也爲韻

何咸宜

何渠紀績蜀守稱賢名高北海澤沛西川鑿山石於離堆天開沃野溉膏腴  
於益部農服良田飯稻羹魚詎云莫之致而致畝桑畦韭固已不期然而然  
原夫沫水爲災溷厓如吼非尾閭之洩則莫挽橫流非脈絡之分則難言虛  
受疏二江而派別浪靜潮頭儲陸海之珍藏波恬灌口從此都江利溥舟通  
漢氏以前爰知溝洫功成緒纘夏王之後或謂主簿襄勤江神樂禍取婦不  
經鬥牛未果然而心勞癸甲不名子啓之生亦復勳策庚辰乃見支祁之鎖

蹙盤渦之罔兩何妨各奏爾能批逆浪之銀蚪但願以成其可獨是渚有犀  
然海非蠡測幸鐵柱之可尋問石門其誰識豈若瀾迴象鼻迭用乎柔剛固  
知水活魚鱗妙隨夫曲直碣乃巨鼇負戴壁立重重橋如雌蜺連捲人來得  
得是蓋利因民利飢曰已飢觀流泉之左右度地理之高卑山刊旅川滌源  
法導江於禹貢深淘灘低作堰訪小篆於秦碑年年竹箭流長欲及時也處  
處稻花香早偏其反而彼夫鴻溝開龍骨拭徐伯巡宣房塞漕引東南隄連  
西北蕩斥鹵兮樊君致富強兮鄭國孰若箕裘濟美共勤恤夫民依宜乎俎  
豆薦馨展明禋於廟食今日者憲度汪洋關心草野事每戒乎因循工更防  
夫苟且仰流膏於百穀依然鳳鳳鳩鳩擅作賦於九能自爾魚魚雅雅漢文  
翁之治蜀我心寫兮秦太守之活民其揆一也

金馬碧雞賦

縣屬金馬鄉有碧雞廟

蔡保世

灌志文徵

卷六 賦辭

五

夫何神馬之金精兮偕碧雞以縹緲隱南岩之大荒兮藏回谷之深沼訝憑  
虛以棲靈兮羨乘風於雲表黃龍共赤鴈兮同其天矯寶鼎與芝房兮迭  
爲朕兆爰夫卯金之世武宣之年瑞應西野靈昭遠天龍媒突躍鶴逝飄翩  
纘負圖於羲世紹銜甲於堯年光燦繪於庚辛兮燦豹章而連錢風華寫  
其靈異兮炫朱鬣以標鮮伯樂所不能顧兮王良所不能鞭錦鞍所不能得  
而障兮金埒所不得而踰時雲擁而霞舉兮滇池之淵忽電發而雷奔兮隋  
嶺之巔或高驪於天閭兮輕蹄踏煙或狂驟以逐日兮化形而仙至若花光  
簇錦彩翼騰輝鳴天上之不夜啼桃都之日暉超翰音之儔類秉巽畜之靈  
威向石室以鼓翅旋海隅而遐飛銜明珠兮翬翬動星象兮緋緋藏精於地  
下兮隱微通慧於人間兮知幾日光炯炯兮丹其喙羽翮煌煌兮碧其衣喚  
朱朱兮舞於芳馡呼祝祝兮翔見依稀惟爾神之赫赫當漢德之巍巍感符

節之至止望陞闕而來歸於是祠前主簿有赤斧之名坊內高人獲樵門之稱天馬致於西極兮緬明盛之休徵寶雞遊於陳倉兮佐大業之靈承傲雲中之白驢兮奔騰司神仙之紫戶兮上昇爾乃千百餘年誰復明禋二三更候撫尋失真想斯靈之不昧會有時而通神感河清而海晏豈終沒於幽淪將見麒麟見兮白虎仁鳳凰來兮鳥獸馴胡爲乎株守於南岩之嶮巖深藏於金碧之隣响此葦郡之舊志實文人之所陳是則好古者之所不廢而採風者之所當珍也

青城山賦 自注

陳共珊

登青城以仰視兮跨東井之野分俯斯宇之所際兮界梁益而云云表玉壘之頭顱兮時冠冕乎浮雲履峨眉之屏障兮帶諸壘於襟裾左天彭之派衍兮袤百里而糾紛右九折之名坂兮蔚鍾毓之洪文觀察其極環顧無垠

灌志文徵

卷六 賦辭

六

舉籌在已酌酒與君請數斯山之勝景兮願側耳以傾聞列靈峯之卅六兮自南北而西東景百八而密布兮篋纖毫之或同自彭祖而起睇兮

石鑑之修通石鑑望龍牙而未遠兮龍牙見野雲之悒悒野雲塢藏雲以髣髴兮

塢藏雲樹齊雲而玲瓏齊雲虹乍垂而亭幻兮亭雲復指而閣空閣軒觸石以

璀璨兮軒菴臥雲以朦朧臥雲越青溪而上望兮青溪羨碧桃之拂樹碧桃把芙

蓉以爲鏡兮芙蓉照海棠之獨步海棠溪光亭而少憩兮溪光問乳泉之去路乳泉

過溪橋以尋視兮過溪珠泉滴而如故滴珠等鑑湖晶之瀾兮鑑湖浣荻花而成趣

荻花窮蓼嶼之崖峯兮蓼嶼趨鑑橋以前渡鑑橋宛曲水之流觴兮曲水收斜山之瀑布

斜磬躑躅以沿溪兮躑躅訪桃源而心慕桃源覓青陰之浮橋兮青陰詣紫霞之仙

洞紫霞與清風之徐來兮清風颺紫薇以自弄紫薇醉醪醪而謳吟兮醪醪紛藥

圃以目送碧霞炯而忽出兮碧霞驟小橋之絲衆絲小下泉冽以灌稻兮灌稻

浮翠光而栽種翠光亭坐茅堂以檢點兮茅玉壘微而持重玉微亭臥爛柯之舊亭兮

爛柯亭續紫陽之仙夢紫陽洞餐鳩畔之紅霞兮紅霞塢上金華之賢頌金華亭有香其誰

睹兮暗香亭旋接武於舸齋舸齋谷產蕙而芳馥兮蕙嶺且挺以黃梅黃梅嶺認煎茶之

幽溪兮煎茶溪逕芹圃而徘徊芹圃鸚鵡喚而林嚮兮鸚鵡林望山坡以詼諧望山坡葦廬

矮而兀促兮葦廬肖野人之湖隈野人湖拓坪連而復斷兮拓坪間寶蓮之社台寶蓮社抗

妙高之峯巒兮妙高峯折婆羅其何求婆羅坪木蘭鬱而凝岫兮木蘭岫臭桂香於亭臺

桂香亭石寶森而晶瑩兮石寶岷岷望以炳靈望岷岷拓豹谷而指陳兮豹潭花百以伶

僂百花香潭業采藻於浚壑兮藻壑兼采洲之白蘋白蘋洲廓鹿關以為園兮鹿關挹瑞香之

亭亭瑞香嶺紫芝長而畦霽兮芝塘荷瑞而拖青瑞荷塘蒹葭蒼於秋渚兮蒹葭渚暨黃

浦而流馨黃浦超菱灣之呎尺兮菱灣芭蕉谷其將經芭蕉谷直鈞亭而不息兮直鈞亭直鈞覺

橋徑之頻臻橋徑憑雉泓以借鑑兮鑑雉徹芙蓉之仙島芙蓉島金根扶而遙道兮金根

### 灌志文徵

#### 卷六 賦辭

七

徑踏芳隴以和好芳隴歲云寒而洞冷兮歲寒洞罷葦杭於小道葦杭棲真洞以卒歲

兮棲真洞厭牛關之煩惱牛關憶黃葵於坡下兮黃葵坡識化成之已早化成洞樓頰吹以

鳳簫兮鳳簫樓關臺望而潦倒望關台有跨鳳於亭畔兮跨鳳亭輒馭鶴於峯表馭鶴峯悵凝

碧之溪靚兮凝碧溪玉女倩而未老玉女潭巖寶陀其最屢兮寶陀巖水仙匯而清奇水仙匯

鳥藏春而蔭菴兮藏春島或異蔘於葦坡葦坡華海墳其瀉瀑兮華海墳囊九曲之襄池襄池

池攀丹桂於子谷兮子谷鳥紅梅以奚為紅梅島擷高岡之薜藟兮薜藟岡分丹臺之

葳蕤丹臺步曝藥之荒臺兮曝藥臺上金絲之古隄金絲隄謝丹池之沐浴兮丹池渡芳

草以凄其芳草聽采薇於前汀兮采薇汀別茶巖以題詩茶巖拜菖蒲而出谷兮菖蒲谷

忙城子其將歸忙城子聽詞既畢歌聲轉清亂日山青青兮秀且明環繞繞兮

如長城百八景兮曾徧征歸去來兮怡我情

青城山賦

宋郁文

有仙都焉崑崙然而起於大江之西者青城山也雪峯西控井絡南纏北延  
玉壘東接平川襟湔帶沱擁戈負鋌陰關陽闔石走山鞭爰有仙人彌乎斯  
土陟磴穿雲縋幽關阻山魍晝號巨靈擁斧開爲道場結作禪宇一一奇峯  
供我指數雄者貴寄雌者獻懽峭者如削側者如俯其東有洞洞黝以曠其  
南有泉泉冽以芬亭倚朝陽溪光云云巖嚮甕峇梯飛化雲石瘦若僵松枯  
欲精雲有奇狀峯無定名浩浩天空時聞鳥聲我欲東遊峨眉雪老我欲西  
去羣山鶯鶯南挾滇雲北苦冰島惟茲寄託風煙夕飽故當晉唐之世則有  
杜子光庭長生范公躋乎軒臺岫然仙宮劍試裂石藤枯作筇石髓瀉赤丹  
光流紅大面天倉冷然仙風山鬼叫月孤煙咽鐘石笋峭立天然芙蓉銀杏  
倒空摩霄若龍俯不見人濛濛枯松丈人揖我偃僂何恭鶴頂西飛眺乎洪  
濛悟元守默冥冥頓空靈彩爛目洞然胸中歌以永之欣賞何窮歌曰西山

灌志文徵

卷六 賦辭

八

極天雲漫漫兮紅丸西傾珠走盤兮三十六峯峯連攢兮松虵藤虬飛重淵  
兮我欲控之叩鈞天兮洪崖丹邱拍我肩兮睡嚮隨風驚飛仙兮

老人村賦

以人生七十古來稀爲韻

丁國仲

神仙福地世界長春雞皮面貌鶴髮精神幾多皓首龐眉爭誇甲子翻笑禪  
心道骨守待庚申世外逍遙盡號商山之叟胸中灑落重逢絳縣之人原夫  
老人村者岷峨挹秀井鬼儲精青城回護玉壘崢嶸映天上之星芒白榆歷  
歷享人間之壽考黃髮盈盈此地皆峻嶺崇山絕少紅塵俗客其人則莊襟  
老帶原非烏有先生則有釣艇臨風魚簑曬日態不龍鍾品真駿逸霜華滿  
鬢雪灘吟子厚之詩風物關心雲樹等嚴陵之室收帆且邀老友野航而恰  
受兩三打漿亦有兒孫童子則好呼六七更有樵叟穿雲魚翁戴笠髮白霜  
催葉紅霧濕偶然看弈竟殘數尺之柯時或披裘不羨萬家之邑視昔人老



當益壯高登碧嶂千尋於此關小住爲佳隔斷紅塵三十別有荷篠芸瓜占晴課兩古貌古心老農老圃人疑懷葛之天地有煙霞之主問琪花於菊井都成益壽之丹探石髓於茅坪別有延年之乳食毛踐土夜冠盡是先民鑿井耕田世宇宛然中古至若耆英會集大老筵開不忝龍頭之望休嫌馬齒之催閉戶箸書翻多歲月拈毫得句載咏臺萊移北斗之文便成天象近南山之壽且佐霞杯幾疑洛下溫公叨陪末座或者柴桑處士已賦歸來是蓋我朝恩周六合澤徧九圍一人享無疆之慶萬年昭有道之徽用能川媚山輝代生壽考共仰堯年舜日恪懍皇威符百齡上壽之稱到處爭誇矍鑠考三代引年之典想像依稀

夜合樹賦

用庾子山燈賦韻有序

劉清彥

館中有夜合一株其花朝開夜合考之古典厥名爲惜一曰合昏又

灌志文徵

卷六 賦辭

九

曰合歡俗稱夜合感草木之多情憐形影之獨處不禁濡毫而賦之並頭鳳峙交頸鴛棲三眠三起乍高乍低遂朝開而夜合怨空房兮幽閨爾乃玳瑁鉤簾芙蓉繖帳眼秋水以帶慵鬢春雲而何障飛葉缺蟲蠹之餘落花聚蛛絲之上至若煙籠寶髻日墜銅盤鴉歸抱樹蛾撲煎蘭樓腰圍緊約指尖寒晨昏變遷闐闐的灼聲團繼續之蟬風字陰陽之鶴漆生樹而自膠露珠而不落則有書幃夢渺旅館魂清綠梅將綻紅葉無聲雌雄異樹姊妹爭榮悵美人兮不見願永夜以長明合昏合歡意草木豈無情

譜牒

杜氏族譜

費 著

杜翊世以死節顯蜀舊守名其居曰忠義坊蓋以勸也事詳見於先賢志矣因其世祖甫來依嚴武武卒旅遊衡陽二子宗文宗武留蜀甫卒葬耒陽後

返葬偃師故元稹誌甫墓謂孫嗣業終父志或者其家竟莫能出蜀也家青城寔宗文裔十世孫準皇祐五年第進士官至朝散郎宰縣竹以卒妻黎携諸孤外氏家成都黎教子嚴必使世其家第二子卽翊世紹聖元年第進士官至朝議大夫通判懷德軍靖康元年北寇作西羌亦張奄至城下凡三旬援兵不至城陷翊世先火其家乃自縊死事聞特贈正議大夫命官其後十人五子慥沈以賞得官孫逸老俊老廷老曾孫光祖大臨以忠義遺澤得官翊世歿時慥棄官赴視死所慟幾絕見者皆爲流涕遂以喪招母魂歸葬餘孫自曾及玄今爲士人指其門猶曰忠義杜云

張氏族譜

費 著

張氏愈隱居岷山白雲溪七被詔命不赴賜以官又乞回授父自號曰白雲先生大節見國史事見先賢篇愈二子石民楚民登元豐年進士第官至正

灌志文徵

卷六 譜牒

十

奉大夫子吉甫以賞終朝奉大夫子伯振以賞爲青城令卒官石民死子雲從孫文叔夏曾孫山父

邵氏族譜

費 著

邵氏以唐邵城令錫爲祖燕其始封也宋初自丹陽聞岷山勝概來家於岷山之陽曰慶餘後三世曰才始登治平第嘗入尙書爲郎贈其父仲良爲大中大夫子孫皆官長子充官至廟請大夫賞又傳三子贈才官至銀青光祿大夫邵公博撫蜀帥言丹陽邵公必嘗薦洛邵公雍於神廟博蓋雍之孫故博講丹陽好待充如兄邵氏在蜀於是爲故家矣

江原常氏七女志

張佳胤

侍中長水校尉常洽字茂尼侍御史常翊南廣太守常竺二字代閬中令常偉字公然竺子廣都長常邨令常勗字修業河內守常忌弟常中山湘東太守常騫字李悅戶部掾

常敞中朗常美都護常俊都護常深武平太守常寬字恭泰治中從事常長生字彭祖散騎常侍璩家道將右士十六人便敬賓婦常元常殷仲孫婦常靡常趙寬子侯夫人常紀常右女三人

佳胤曰江原常氏代有明德故大姓也道將立志僅書其半豈以私親自嫌哉夫岷嶺委靈哲又作則倘資國器寸璧是尊今考出土女共十九人自立錄目又見道將承源家學修辭有經斯龍門世業良史稱材間有行實詳略不侔然英名遺烈垂在竹素庶幾尙友遐心著龜孔邇者矣

楊氏七代述略

節錄原文

楊 愷

楊氏之先籍河南靈寶縣明嘉靖中宦遊來蜀遂家於潼川府三臺縣之桃子園居數世獻賊屠潼川有承世者兄弟七人而世最幼在外肄業聞變歸則家人已散索櫃得數十金行晝夜伏望西南奔竄至山水深處乃止詢於

灌志文徵

卷六 譜牒

十一

土人知爲灌縣老人村時避難者衆世讀書多智略相與設法禦寇一村得安卽在灌之楊氏始祖也清既定鼎獻賊敗亡始祖乃娶祖母郭氏生子曰熊郭旋歿祖卽東徙筏村安插報糧欲暫回原郡探宗族消息乃不數載而卒二世祖失怙恃幸有舅可依既而入贅馬府蓋祖母王氏乃從姑母育於馬門者也舉一子曰啓松甫三歲而孤時爲康熙八年僞周方熾日尋干戈門差夫役甚拮据祖母王力竭不得已從父母命棄田改醮金村蘭鳴玉携幼子同居故一名培蘭及長娶戴氏生子曰藜是爲蔚然府君卽愷等之高祖也甫三歲戴卽棄世祖父誓不再娶惟望訓子成名蔚然府君爲作行略誌之邑學官張琪趙冕贊之可不朽矣蔚然府君於乾隆四年舉鄉貢有子三伯曾祖喬林早卒無嗣次喬澤字映川卽愷等之曾祖三喬湄字秀川方高祖之卒也澤湄皆幼先後入邑庠澤勤儉異甚生子曰樸是爲愷之大父

而秀川公尤傑出性敏而醇中乾隆庚子經魁掌岷江書院授洪雅教諭所  
在多所成就有家訓千言傳世伯祖楫秉其教舉於鄉而吾大父亦列上舍  
是時曾祖母六十稱觴闔邑偕來蓋灌人若差徭伯祖兄弟言於官創立公  
義甲置田以應急需由是約保無累數千戶賴其法而安也嘉慶間伯祖以  
教諭歷署蒲江大邑清溪宜賓敘府嘗於清溪攝縣篆數月邑人立碑頌之  
先考石儂府君爲祖父冢嗣與叔父春明公俱慧數齡時能背誦詩三百篇  
二十四歲捷於鄉生子曰愷曰霖食指日繁已而大挑授渠縣訓導殫精教  
誨多所建樹推升順慶府教授竟殞於渠歲序遷流頓成今昔愷一領青衿  
半生悠忽亦惟是撫先澤而嗟遲暮已耳

羅氏世系略

羅永祥

豫章羅氏源流敘略所述僅一支不能臆定爲今族所本惟我祖原籍江右

灌志文徵

卷六 譜牒

十一

南昌柏林之羅最繁熾子孫有徙麻城者明初遷川北南部縣流馬場越年  
二百遭亂譜亡清康熙間我祖仕奇公父子自南部遷灌厥考承宣公妣趙  
孺人葬南部可知者僅此而尋其遷徙之迹則來自江右與此蓋有關係或  
同源而異派者乎仕奇公再傳而族大分爲六支去冬奉父命訪南部祖籍  
追溯淵源以定世系推而上之至厥初之祖等而下之至玄遠之孫遙遙歲  
月一脈流傳則有其身者不既與天地同悠久哉今譜託始承宣公定派名  
四十字用以辨昭穆著倫理焉同治八年三月記

邑中氏族略

徐 昱

灌之大姓以唐官高張爲著嘉慶中有唐九如者富而俠名動公卿間官氏  
與唐皆自楚入蜀唐居北鄉蒲陽鎮而官宅邑東崇義場道咸間官澤貴擁  
田數千畝以義氣聞於時子孫有宦遊者張氏支族繁盛多文雅士其較富

者居崇義鄉與官並稱高氏先世并州人從劉先主入蜀鎮守天全世襲其

職國初始遷居青城山下有萬春者為人饒材藝子孫以科甲世其案節錄灌縣鄉土

志按邑鮮望族其見於志乘與志所未載者凡百餘姓劉楊蒲仰都任黨蕭游傅宋羅牛唐賀曾

盧王易何李戴周童鍾吳雷康艾朱湯潘徐韓孟萬申練霍秦樊曹費謝

韋馬蘭林杜呂田陳帥高鄭師岳汪余費魏黃袁侯季馮解崔黃胡彭趙熊

許堅樂向邵安蘇鄒郭左梅閣文姚方閣嚴張涂陶鄧譚刁程江梁車冠許

邱略施錢莫鮮蔡夏皮蔣牟尚靳苟齊孫官翟卞祝濮尹麻胥瀉山雨羊范

符魯石薛鄒監黎南歐謀匡龔丁祁古沈饒明姜歐鮮于賈荀焦大都白清時  
從省外來者先後不一興替無常或以科第顯名或以農商致富有足徵焉  
就中惟賈苟焦董四姓於松理茂汶有學籍殆明末避亂入山後復旋里者  
明以前之家代家譙諸姓則已式微或竟無有而晚近初來之新族又有土  
著者矣

灌志文徵 卷六 譜牒 十三

雜文

僮約

王褒

蜀郡王子淵以事到湔止寡婦楊惠舍惠有夫時奴名便了子淵倩奴行酤  
酒便了拽大杖上夫家巔曰大夫買便了時但要求守家不要為他男子酤  
酒子淵大怒曰奴甯欲賣耶惠曰奴大忤人人無欲者子淵即決買券云云  
奴復曰欲使皆上券不上券便了不為也子淵曰諾券文曰神爵三年正月  
十五日資中男子王子淵從成都安志里女子楊惠買亡夫時戶下髻奴便  
了決賈萬五千奴當從百役使不得有二三言晨起早掃食了洗滌居當穿白  
縛箒裁孟鑿斗浚渠縛落鈕園斫柏杜埤地刻大枷屈竹作杷削治鹿盧出  
入不得騎馬載車蹠坐大叟下床振頭捶鉤刈芻結葦臘纒汲水酪佐醢醢  
織履作麤黏雀張烏結網捕魚繳雁彈鳧登山射鹿入水捕龜後園縱養雁

鷺百餘驅逐鴟烏持梢收豬種薑養芋長育豚駒糞除堂廡餒食馬牛鼓四  
起坐夜半益芻二月春分被隄杜疆落桑皮糲種瓜作瓠別茄披葱焚槎發  
芋壟集破封日中早煮雞鳴起春調治馬戶兼落三重舍中有客提壺行酤  
汲水作舖滌杯整按園中拔蒜斷蘇切脯築肉臠芋繪魚鮓鼈烹茶盡具已  
而蓋藏關門塞竇餒豬縱犬勿與鄰里爭鬪奴當飯豆飲水不得嗜酒欲飲  
美酒唯得染脣漬口不得傾盂覆斗不得辰出夜入交關伴偶舍後有樹當  
栽作船上至江州下到湔主用府掾求用錢推訪聖販搜索繇亭買席往來  
都落當爲婦女求脂澤販於小市歸都擔桌轉出旁蹉牽犬販鵝武都賣茶  
楊氏擔荷往來市聚慎護奸偷入市不得夷蹲旁臥惡言醜罵多作刀矛持  
入益州貨易羊牛奴自教精慧不得癡愚持斧入山斷樵裁轅若有餘殘當  
作俎豆几木屐及甌盤焚薪作炭壘石薄岸治舍蓋屋削書伐牘日暮欲歸

### 灌志文徵

卷六 雜文

十四

當送乾薪兩三束四月當披九月當穫十月收豆掄麥窖芋南安拾栗採橘  
持車載輦多取蒲苧益作繩索雨墮無所爲當編蔣織薄種植桃李梨柿拓  
桑三丈一樹八樹爲行果類相從縱橫相當果熟收斂不得吮嘗犬吠當起  
驚告鄰里根門拄戶上樓擊鼓荷盾曳矛還落三周勤心疾作不得遨遊奴  
老力索種莞織席事訖休息當舂一石夜半無事浣衣當白若有私錢主給  
賓客奴不得有奸私事事當關白奴不聽教當笞一百讀券訖詞窮詐索乞  
乞叩頭兩手自搏目淚下落鼻涕長一尺審如王大夫所言不如早歸黃土  
陌邱蚘鑽額早知當爾爲王大夫酤酒真不敢作惡

漢祭金馬碧雞文 古文韻語

王 褒

持節使者王褒敬移南崖金精神馬綜綜

金石古文  
作剽剽

碧雞處南之荒深溪同谷

非上金石古文  
文作士之鄉歸來歸來漢德無疆廣乎唐虞澤配三皇黃龍見兮白虎仁

歸來歸來可以爲倫歸兮翔兮何事南荒也

祭丈人山文 全唐文

唐僖宗

維中和元年歲次辛丑七月丁未朔十八日甲子皇帝遣將仕郎內侍省內府局令員外置同正員上柱國賜紫金魚袋袁易簡賜紫道士杜光庭等備香火之奠封丈人山爲希夷公惟山高極太清下蟠厚地含雪霜於陰谷吐日月於陽崖助銅柱以標雄齊玉壘而增固本大末小諒千載而不傾布澤施榮實萬物而斯植雖郡祠豐潔山廟肅清未聞崇建之名徒有丈人之說朕以黃巢干紀翠輦蒙塵火未滅於燎原書每煩於揮羽竊思冥助冀仗靈功俾資千仞之崇式示三公之秩况希夷懿號蘋藻佳羞齋誠宣室之中虔視靈衢之外陰兵俟役逆豎期消重新日月之光再奉宗祧之祀別申明命永鎮坤維

灌志文徵

卷六 雜文

十五

崇德祠祭文

馬如蛟

維成化庚午十月朔日丙午越祭日丁巳巡按四川監察御史馬如蛟謹以牲醴致祭於川主清源妙道真君之神詞曰蛟少孱弱屢罹危病沉墮疾災幾不可問蒙神降語丹桂有根遂日壯健而獲成名歲祭神祠終身託庇不謂轉徙靈威忽去數年帳快遂失瞻依乃承王命行役於斯更剖忱悃惟神昭察惠我無私寧負拯拔誓與尊神同德同心賜予小子來格來歆

崇德祠祭文

張士佩

維嘉靖十年壬午十一月乙卯朔越祭日丙寅吏部右侍郎張士佩謹祭於蜀守李公之神詞曰維公開物之智導利之仁生爲賢守歿爲明神岷山導江經始自禹公疏其流粒食益土山鑿離堆堰築都江沃野千里靡潦靡亢自秦迄今千八百年公澤在民如一日焉聞公有子實成公德是宜並享永

世無數江水滔滔蜀民之思公戀我民永言保之

祭玉壘王舜卿文

楊慎

古語有之同病相憐同憂相救嗟我君之行蹤何斯言之相副憶嘉靖之甲申當金商之辛候昧一鳴以斥仗同三進而及雷噬蒙枯之未脫冒誓言之難奏紛巧簧之易如慚面甲之益厚違天顏於咫尺褫龍章於闕右落孤影於清潯下承明於紫宙子子以無依子瑩瑩而在疾聯購艘於潞水竭噉嚙而相叩赴嚴督以南征悵非狂而東走交呻吟於蓬席忌饘粥於昏晝苦吊影於罔兩甘生涯於魑魅君違秦而巴僞我去蜀而慎憊哽題紳以分袂各扶傷而攜幼限天隅之一柱望月弦之幾穀捧戎檄以予歸喜少城之君逅訝垂白之如新命重碧以話舊歌滂喻以無解語聊浪而失讀聽南音於西林主北道於東阜發孤笑於羣憂伸眉顰於面皺吟江鴻之夜度賦鬼車

灌志文徵

卷六 雜文

十六

之晨雖雜懽悲於須臾類栩夢之一宿汨甲鼃以吾行牂茲會之難又望北風而開襟怪嗣音之不復竟庚子之日斜忽辰巳之相湊喪資斧於旅巢慨河清於人壽感徒繫於匏瓜惻不食於井甃涕却留而已零杯欲奠而先覆嗚呼盈萬物於兩間恆接構而心闕何淑祝之罕臨而良辰之希邁巾柴車以碧紛幪駑駘以未就既貧尼而富虎且芝焚而琰茂豈黔羸之混施兼造物之垢瞽屈天問其焉陳柳天對兮焉咎惟瑄美之莫藏樹令名其不仆矧芳馨於皎日等塵劫於刻漏慰夫君兮九原庶斯語之不謬聲已吞兮何言魂歸來兮茲侑

修路募疏

仲純信

蓋聞畫涂列樹爲王政之規模除道成梁關民生之利病守土之職事無鉅細皆所當盡心也灌邑爲東西孔道中外要衝城郭之間街甃碎石郊野之



外路半泥塗由來舊矣自金曾不靖王師西討數載於茲通省之輓粟飛芻者軍民夫役擊轂肩摩日夜相屬不絕蹂躪既久今秋霪雨連綿關廂泥深數尺石街欹斜零亂跬步犖行者苦之予自仲秋以司馬兼攝邑篆目覩其艱亟思修治顧念獨力難成籌策不就乃進邑紳耆而謀之僉謂是誠善舉第軍旅之際米珠薪桂工鉅費繁恐力不繼奈何予曰事固難於圖始功亦貴於乘時試思灌城廬舍向有如此櫛比否入煙有如此輻輳否商賈之貿易於是者有如此利三倍否今不乘此時修舉而數萬千人往來之路將俟之一二長吏及一邑編之民吾恐其力更絀而終無濟且今天威遠震犁庭掃穴大功指日告成振旅闐闐而道塗弗治非所以壯觀瞻便車徒也况剪碍道之荆榛除當塗之瓦石陰功福報樂施好善人有同情第恐倡率之無人何患衆擊之難舉第患經理之弗善何患衆志之不孚語未畢紳耆等

灌志文徵

卷六 雜文

十七

翕然拜稱曰公言是也敢不承命爰退而鳩工採石尅期經始又舉急公募義數人專司其事而二王廟道人王來通預焉以募疏請於余余遂捐俸三百金爲之倡并敘其緣起如此二三子行矣勉之其各竭爾力潔爾躬早觀厥成將見書詠蕩平詩歌砥矢旣便萬民而余亦藉以塞守令之責詎非厚幸安知今日輪蹄雜還中無布金長者快此舉鑑余衷而助之成者乎

代邑侯勸募培葺靈巖寺疏

馬光型

蓋聞招提住佛刹有千區蘭若棲眞宮皆七寶丹房紺宇光明則白玉爲樓精舍叢林鬱羅亦黃金布地矧乎蒼冥眞宰實操興雲致雨之權顯赫山靈并示泄霧蒸霖之應非恢宏而新殿宇難昭假以答神靈灌邑靈巖寺者剏自有唐顯於近代聖燈隱見本千佛之靈區鷲嶺岩嶢洵諸天之淨域其西爲玉皇殿靈旗捲霧頃刻立致夫風雷金闕凌雲呼吸直通於閭闔前因去

歲臘終以迄今年春半土膏既動靈雨方切乎桑田甘澤未施旱忽擁歌於山谷本縣職司守土念切民依聊將幣帛以告虔敬爲生靈而請命效桑林之自責倍極寅恭望帝座以抒忱潛通蒼昊已而醜酬遂降霖霖應時歡呼及白叟黃童滂沛乎青疇綠野膏流匝地洵非人力所能爲澤降在天皆由神功之默佑因思仰酬帝眷則鑄金供養寶相必極其莊嚴用妥神棲則刻桷經營棟宇務標其壯麗是用倡捐百金用示前而李驅萼青少寺亦捐四十金以襄盛舉第宏規鉅費非集夜無以成裘而渥澤普沾但飲和咸當報德尙冀十方衆善共種福田咸助無量之功永結隨緣之慶庶幾瓊樓玉宇法界儼接乎上清因之甘雨和風樂利常敷於下土

募捐重修書院加增膏火序

李桂林

灌邑名區也地有盤龍之美竹傳栖鳳之祥山之犬者若靈巖若青城層

## 灌志文徵

卷六 雜文

十八

巒聳翠已踞三十七山之雄而玉壘之側有文筆之奇峯峙焉水之著者若都江若味江波瀾壯闊總匯一十六屬之源而湔水之旁有文翁之手澤存焉宜其人文蔚起爲斯邑光乃予考諸邑乘自宋迄明其獲捷南宮登高第者代不乏人獨至於今鄉舉非登籍而飛黃騰達者寂寂無聞豈古今人不相及與抑培植者之乏其術耳余忝通籍出膺民社昔日焚膏繼晷備嘗伏案辛勤今茲立教興文常式先民模範凡撫羅江九年未忘斯志所以修書院建奎閣培文峯凡有關於風教者無不舉也置學田增膏火購書籍凡有益於人材者無弗與也今捧檄來灌又豈別有急務哉亦仍以治羅者治灌而已竊以人材之盛雖由地靈而育才所需必先學校考岷江書院建自乾隆二十八年歷時既久風雨飄其楹蟲鼠蝕其桷窗櫺椽瓦半歸剝落使不亟爲振新將舉膠庠之地鞠爲茂草而諸生之肄業其中者其何以堪且所

置學田無多歲租僅入三百一十六石山長束修及一切度支外所餘無幾故每歲官課止三四次每課祇給膏火數緡夫書院者造就人材之所也膏火者鼓勵人才之資也書院之地不整必無以安其身膏火之數不增亦無以奮其志然則書院膏火之設守土者不得視爲緩圖獨是大廈之才非壹邱之木也千金之裘非壹狐之腋也鳩工庀才子既分廉以爲之倡紳耆鄉望尙冀蠲資以成其美各破腴囊共襄盛舉興事在卽冬初程功期以歲暮宜踴躍以爭先毋觀望而不進迨其歲事壽之貞珉將捐款購水田益膏火按月課士永定章程如此則諸生之肄業書院者旣無風日不蔽之憂而每月所得亦足以供費將勤者益勉惰者知奮文風庶幾蒸蒸日上吾於闔邑有厚望焉

灌縣二王廟上梁祝文

王祖源

灌志文徵

卷六 雜文

十九

伏以重光日月雕鐫侈玳瑁之華萬色雲霞飛構裁文杏之飾豈若鞏會昌於江腹流靜濫觴跨重阻於峨眉勢雄建甌而有奇才效用允惟明德之馨瑞木朋生符應太平之字者哉恭惟二王神宇肇自先代蔭及後來棟宇岷蟠菽粟梁益永作鎮於玉壘用建福於金城固已惠澤二江環流如帶靈祠千古鼎峙聿新方之鄭堰小民思報賽於春秋例以樊渠守府必尊崇其祀典乃榱桷之庀具猶采窟之難勝爰於甲申之夏遂自峭臺之陽山靈效祉僉云天貺異才神木呈祥衆詡誠由節度正如柱削芳桂開湯之木能飛材選海檀豫章之神斯拔采景山松柏詎比芳馨盡蜀地梗柑莫踰堅澤尤可異者引之繩墨無須大匠呈能度以矩規不待公輸獻巧信天休而國慶斯人傑以地靈謹諏吉辰鋪張盛美襲冠帶而嬰衣裳愧終軍白麟奇木之對雕篆素而鏤山岳勝蘇軾白鶴上梁之文其詞曰東中流砥柱順朝宗紺宇

瓊宮昭顯敞扶桑若木映長虹南凌雲畫棟啓珠簾窻瞰雙流阡陌溼有年  
風雨兆和甘西翬飛鳥革蠶天齊右挾岷山安涌瀆乾坤爽氣挹平隄北天  
柱高維鎮西域鴻圖鞏固詠斯干功烈巍巍廟翼翼上斗極崢嶸天外望五  
雲壯觀拱辰樞彩霞環列青城障下井絡星精臨沃野萬年有道奠金湯景  
福胥蠻來車馬伏願棟隆叶吉廈庇遐昌幽經神靈明緯人理六合會同八  
區交會升降安祀風雨不侵原隰分畫繡壤波瀾永護金隄誠格祥臻年豐  
民慶澤無不徧遠無不柔德覃域中化敷海外宜召長卿頌文作高駟馬題  
橋并徵孟頫紀祥碑擬龍興造寺銘載金石永鎮岷山

募增義塚地序

清光緒十五年

羅恕

蓋聞澤及枯骨德頌西岐葬改彭城文傳東府陳沛國恩流廣漢隱哭潛消  
曹校尉仁播射聲遺骸悉掩凡此皆窮泉深感古誼可師者也灌東崇義塲

灌志文徵

卷六 雜文

二十

舊有義塚愀颯榆逝者咸歸蓬艾蕭蕭陳人共集歷年既久叢葬滋多雖  
不同古寺飄風青燐淹滯亦幾見荒落邱日白骨混淆矣鄉人士屢謀別置  
聚議僉同擬於舊塚毗連益以幽宮開拓俾新鬼故鬼各有佳城庶左鄰右  
鄰同安大暮每當春秋佳日不虞祭掃無門縱令天雨陰時亦免怨愁相結  
也惟是計費不貲力弱難任所願好善君子大發洪慈憫暴骨之無依思遊  
魂之有託傾囊義助源源而來倒篋倡捐多多益善直令九原銘感事可垂  
成奕世榮昌功滋不朽於諸公有厚望焉

何貞女詩徵啓

王肇基

乾坤不墜賴大節以撐持筆墨有靈發幽光而輝耀灌縣何貞女者父萬世明  
耕桑畝家住蒲村當髫齡時字尹氏子比聰明於鸚鵡結伴侶於鴛鴦二三  
里村隔朱陳猶是鶯鄰之比十七春年方綺麗忽驚鸞偶之離幾度摩笄無

奈提防太密頻年刺繡頓將鍼線全拋獨憐白髮親慈蘿教別施自分紅顏  
命薄竹肯孤生腸斷九回閉青閨而恨怨身拚一死乘黑夜以雉經窺窈窕  
之虛窗魂離倩女仆嬋娟於短榻節殉檀郎玉碎珠沉未變桃花之面香銷  
粉褪猶顰柳葉之眉兩姓同商九原合葬朱棺並駕如奠鴈之御輪黃土一  
抔向眠牛而共枕夜夜淒風苦雨蟲夢苔荒年年寒食紙錢鵲啼樹冷一場  
幽恨千古美談此咸豐丙辰冬事也嗟嗟紅粉翠娥徧多血性黃昏青塚孰  
慰貞魂弔盧江小吏之妻一千餘字哭武康簿尉之女百五十言凡表茹荼  
皆資揆藻伏冀詞壇墨客吟館騷人濡硯北銀毫揮湘東金管寫纏緜意如  
將寡女絲抽題絕妙詞好當曹娥碑讀備采風之錄待他時鳳詔親褒抒浣  
月之思期大雅鴻裁特製謹啓

募捐河工經費啟

陳炳魁

灌志文徵

卷六 雜文

廿一

啟者去歲癸酉秋水決都江堰內江之水滾歸外江至新渡口衝決新河當  
深溪坎張家碾等處籠堤西面新開一河口寬二十餘丈下衝布袋口南面  
新開一河口寬二百餘丈下入宣家渡壞田約二萬餘畝縣尊通稟上憲委  
員會同崇慶州李主詣勘稟覆督憲札飭道憲道憲札飭州主與縣主兩治  
各籌辦民工愚等蒙縣主札委經理自愧才短力薄再三懇辭不允又蒙縣  
主諄諄面諭云外江之河心甚高西邊之地勢甚低若不淘復故道修築新  
堤則春水一發仍然滾歸決處日蕩月囓黑石河木江河必成大河近岸者  
田疇墓廬固遭漂沒之慘遠河者灌溉溝堰亦多潰決之憂此日一失興工  
機會恐後衝決愈甚災患愈大始謀淘河築堤其費用即十倍於今亦難挽  
回矣且父母之邦桑梓之地非繫親戚即屬友鄰忍視其墳墓被決祖宗之  
屍骨無存田廬致衝老幼之衣食無賴乎諺云救人一命勝造七級浮圖况

此河工之成敗關係一州一邑數十萬人身家耶愚等是以勉遵縣主所諭設局經理於今正月初一日開工創辦上自新渡下口至駱家船浚河道以順直流之性淘浚約三萬餘方上自陳家船下至向家渡設河堤以杜橫溢之患修築約一千餘丈日雇夫徒一二十人食米十五六石非銀五千餘兩不能一一告竣去臘所收河工捐項僅五百餘兩頃聞牌限十八日開水日期孔迫矣愚等冒雨連宵催督備瘁發銀支米借墊悉窮屢欲中止勢又不能伏願瀕河紳糧留神細觀捫心默揣仰體縣主爲國爲民之至意曲諒愚等任勞任怨之苦衷慨然共爲捐助成此河工庶未衝者永弭水患已衝者可冀沙淤利已利人造福於以無窮矣謹啟

灌志文徵附載

勘誤表

卷

數頁

數行

數譌

舛

卷五雜記

第二頁 第十一行第八字

瓌誤作瓌

同 第十六行第二十三四字

虛敞應作需敞

第九頁 第八行第二十字

杙誤作棧

同 第十八行第二十三字

嚙誤作礮

第十二頁 第二行第五字

冀誤作翼

同 第十五行正文

在塵二字誤倒

第十三頁 第一行正文

角字下脫一端字

第十四頁 第八行第二十八字

斲誤作斲

第十五頁 第八行第二十字

攬誤作攬

第十六頁 第十四行第八字

朽誤作朽

第十八頁 第五行第十八字

廬誤作廬

同 第十一行第十三字

餘誤作於

灌志文徵附載

勘誤表

第二十頁 第二十一行第五字

舊誤作奮

第二十一頁 第十行第十三字

鐵誤作鎮

第二十二頁 第一行第十五字

老誤作耳

同 第七行第十五字

王字與次行玉字互譌

同 第十五行第二十八字

肸誤作肸

第二十三頁 第二行第九字

惟誤作爲

第二十四頁 第九行第十六字

耕誤作耨

同 第十三行第十五字

毛誤作毛

第二十五頁 第二十行第二字

字誤作字

第二十六頁 第四行第十五字

子誤作予

同 第十六行第十字

場誤作塚第二十行同

同 第十九行第二十三字

集誤作黃

第二十七頁 第五行第十六字

而誤作面

第二十八頁 第四行第七字

抑誤作柳

同 第八行第十字

城誤作域

同

第十五行第二字

會誤作曾

同

同

第二十二行第二十四字

此誤作比

同

第二十九頁

第八行第一字

累誤作級

同

同

第十九行第二十字

嬌誤作媯

同

第三十頁

第五行第十八字

曩誤作囊

同

第三十一頁

第六行第二十七字

衆誤作獨

同

第三十三頁

第七行正文

極道二字誤倒

同

同

第七行正文

微誤作徹

同

第三十四頁

第十行第十九字

誠誤作城

同

同

第十五行第十四字

請誤作謂

同

第三十五頁

第六行正文

萬世二字誤倒

同

第三十六頁

第五行第二十字

構誤作購

同

同

第十五行正文

禪師二字誤倒

同

第三十七頁

第十一行第二字

諸誤作左

同

同

第十三行第六字

隄誤作堪

灌志文徵附載

勘誤表

二

同

同

第十五行第二十五字

其誤作眞

同

第三十九頁

第十行第二十一字

石誤作右

同

同

第十三行第五字

悔誤作梅

同

第四十頁

第六行第八字

壘誤作疊

同

第四十一頁

第十行正文

名字應在日字上

同

第四十四頁

第二十二行第三字

今誤作令

同

第四十五頁

第一行第二十六字

帝誤作常

同

第四十七頁

第六行第二字

懶誤作懶

同

第四十八頁

第九行第三字

舊誤作興

同

第五十一頁

第四行第四字

碑誤作禪

同

同

第十三行第二十二字

繼誤作漸

同

第五十三頁

第三行正文

玉字下脫一局字

同

同

第九行第九字

夙誤作風

同

同

第十一行第十三字

鳥誤作烏



同

第十五行第十六字

廊應作廊

同

第五十四頁

第五六行正文

獲醜二字互譌

同

同

第十七行第二十一字

他誤作地

同

同

第十八行第六字

盍誤作蓋

同

第五十六頁

第十五行第二十一字

巖誤作嚴

同

第五十七頁

第五行第十字

間誤作開

同

同

第十八行第二十五字

柱誤作桂

同

第五十八頁

第十四行第十七字

甚誤作盛

同

第五十九頁

第三行正文

先字上脫一宋字

同

第六十頁

第十一行正文

鷓字下脫一村字

同

第六十四頁

第二行第十二字

具誤作且

同

第六十五頁

第十一行正文

祺從二字誤倒

同

第六十七頁

第六行正文

比平二字應在次行安字

同

第六十八頁

第六行第二十一字

上

同

第七十頁

第六行第二十六字

祠誤作祀

同

同

第十四行正文

山誤作巖

同

同

第十四行正文

而誤作面他誤作地

同

第七十一頁

第一行正文

多一祖字

同

同

第三行正文

林之二字誤倒

同

第一頁

第十三行第二十字

石誤作百

同

第二頁

第六行第十八字

億誤作憶

同

同

第十九行第十七字

抑誤作亦

同

第四頁

第六行第一字

衿誤作矜

同

第五頁

第二十行第二十五字

傳誤作島

同

第六頁

第十八行正文

河誤作何

同

第七頁

第一行第十七字

緋誤作絆

同

同

第四行第十七字

之晶二字誤倒

同

同

第五行第十四字

塵誤作塵

同

同

第五行第十四字

響誤作嚮

同

同

第五行第十四字

柘誤作拓

灌志文徵附載

勘誤表

卷六  
賦辭

